

*Vogošća, 08.02.2017. godine
Broj: 112-1/17*

**ZAPISNIK I ZAKLJUČCI SA PETNAESTE
SJEDNICE PREDSDJEDNIŠTVA SKUPŠTINE SAVEZA OPĆINA I GRADOVA
FEDERACIJE BOSNE I HERCEGOVINE**

Dana 08.02.2017. godine u Općini Vogošća je održana Petnaesta sjednica Predsjedništva Skupštine Saveza općina i gradova Federacije Bosne i Hercegovine (u daljem tekstu: Predsjedništvo Saveza).

Sjednici Predsjedništva Saveza su prisustvovali:

1. **Edin Smajić**, načelnik Općine Vogošća;
2. **Zikrija Duraković**, načelnik Općine Bužim;
3. **Sead Džafić**, načelnik Općine Kalesija;
4. **Kristijan Petrović**, Općina Tomislavgrad, po ovlaštenju načelnika;
5. **Samira Drakovac**, Općina Goražde, po ovlaštenju načelnika;
6. **Srećko Mikulić**, Općina Grude, po ovlaštenju načelnika;
7. **Miroslav Lucić**, Općina Domaljevac-Šamac, po ovlaštenju načelnika;
8. **Halil Dardagan**, Općina Novo Sarajevo, po ovlaštenju načelnika;
9. **Edin Šabanović**, Općina Busovača, po ovlaštenju načelnika;
10. **Dževdana Brajić**, Grad Zenica, po ovlaštenju gradonačelnika.

Pored navedenih, sjednici su prisustvovali i: **Fikret Suljkanović**, Općina Kalesija, **Vesna Travljanin**, direktor Saveza, **Zlata Turkić**, viši saradnik za rad sa skupštinskim komisijama i institucijama vlasti, **Amir Kupusija**, viši saradnik za informisanje i odnose s javnošću, **Adi Imamović**, saradnik za lokalnu samoupravu i **Selma Fišek**, viši saradnik za pravna pitanja.

Edin Smajić je u ulozi domaćina sjednice pozdravio prisutne i zahvalio se na odzivu. Predstavio je neke važnije podatke o geografskoj, demografskoj, te privredno-ekonomskoj slici općine Vogošća.

Edin Smajić je otvorio Petnaestu sjednicu Predsjedništva Saveza, te predložio Dnevni red kako

slijedi:

1. Izbor predsjedavajućeg Predsjedništva Skupštine Saveza općina i gradova Federacije BiH do Izborne skupštine Saveza
2. Zapisnik i zaključci sa Četrnaeste sjednice Predsjedništva Skupštine Saveza općina i gradova Federacije BiH
3. Zaključci Tematske sjednice Saveza općina i gradova Federacije BiH
 - a) Posjeta delegacije Saveza premijeru Federacije Bosne i Hercegovine
4. Zaključci sa sjednice Komisije za ustavna i zakonodavna pitanja i Komisije za razvoj i unapređenje lokalne samouprave
5. Zaključci sa sjednice Komisije za izbor i imenovanja
6. Informacije o zakonodavnim aktivnostima Saveza:
 - a) Nacrt Zakona o šumama
 - b) Nacrt Zakona o turizmu
 - c) Nacrt Zakona o boravišnoj taksi
 - d) Zapisnik sa prve sjednice stručnog Radnog tijela Vlade Federacije Bosne i Hercegovine za analizu Zakona o stvarnim pravima
7. Informacija o daljnim aktivnostima Saveza vezanim za postupak po tužbi Saveza općina i gradova Federacije BiH protiv Federacije BiH
8. Tekuća pitanja
 - a) Zaključci sa Vanredne sjednice Općinskog vijeća Jablanica
 - b) Transparency international Bosna i Hercegovina (TIBiH) – Molba za predstavljanjem rezultata projekta „Jačanje integriteta u lokalnim samoupravama“ jedinicama lokalne samouprave tokom Skupštine Saveza općina i gradova Federacije BiH
 - c) Razvojni program ujedinjenih nacija (UNDP) – Molba za predstavljanjem rezultata Studije o najboljem načinu pozicioniranja regulatornog tijela u postupku utvrđivanja cijena komunalnih usluga vodosnadbijevanja i odvodnje i prečišćavanja otpadnih voda na sljedećoj sjednici Skupštine Saveza općina i gradova Federacije BiH, sa ciljem detaljnijeg upoznavanja članica Saveza i prikupljanja komentara na istu
 - d) Potpisivanje memoranduma o razumijevanju sa Međunarodnom asocijacijom vodoopskrbnih kompanija (IAWD) i Svjetskom bankom u svrhu realizacije projekta „Platforma za prikupljanje parametara pokazatelja stanja vodovodnih preduzeća“

Predsjedništvo Saveza je jednoglasno usvojio predloženi Dnevni red.

1. Izbor predsjedavajućeg Predsjedništva Skupštine Saveza općina i gradova Federacije BiH do Izborne skupštine Saveza

Vesna Travljanin je obrazložila trenutnu situaciju u vezi sa rukovodstvom Saveza naglasivši da dosadašnji predsjednik Predsjedništva Skupštine Saveza gospodin Ivo Jerkić nije obnovio načelnički mandat, a da je njegov zamjenik gospodin Husejin Smajlović preminuo, te da Savez praktično nema predsjednika do izbora novog rukovodstva na Izornoj skupštini. Predložila je da gospodin Edin Smajić vodi sjednicu Predsjedništva.

Edin Smajić je prihvatio da predsjedava ovom sjednicom i predložio da sjednicama Predsjedništva koje budu održane do Izborne skupštine, predsjedava domaćin sjednice.

Predsjedništvo Saveza je jednoglasno usvojilo zaključak da ovom sjednicom predsjedava Edin Smajić, a da sjednicama Predsjedništva Saveza koje budu održane do Izborne skupštine Saveza, predsjedava domaćin sjednice.

2. Zapisnik i zaključci sa Četrnaeste sjednice Predsjedništva Skupštine Saveza općina i gradova Federacije BiH

Predsjedništvo Saveza je jednoglasno usvojilo Zapisnik i zaključke sa Četrnaeste sjednice Predsjedništva Skupštine Saveza općina i gradova Federacije BiH

3. Zaključci Tematske sjednice Saveza općina i gradova Federacije BiH

Vesna Travljanin je informisala Predsjedništvo o tematskoj sjednici Saveza općina i gradova Federacije BiH koja je održana 25.01.2017. godine u Travniku. Naglasila je da je Savez, po zahtjevu članica, organizovao Tematsku sjednicu o Prijedlogu zakona o izmjenama i dopunama Zakona o zaštiti ljudi i materijalnih dobara od prirodnih i drugih nesreća s ciljem protivljenja donošenju ovog zakona kojim se predviđa ukidanje naknade od 0,5 % namjenskih sredstava jedinica lokalne samouprave koja služe za aktivnosti zaštite i spašavanja. Dodala je da je Savez izradio Zakon o zaštiti i spašavanju koji nije razmatran na Vladi Federacije BiH, odnosno resornom ministarstvu, tako da nemamo povratnu informaciju u vezi s tim. Istakla je da su i nadležne komisije Saveza razmatrale ovo pitanje.

Istakla je da su na Tematskoj sjednici Saveza usvojeni sljedeći zaključci:

- 1. Da se pri donošenju ovog, ali i ostalih zakona poštuje Evropska povelja o lokalnoj samoupravi i Zakon o principima lokalne samouprave u Federaciji BiH po kome su „federalne, odnosno kantonalne vlasti dužne u najvećoj mogućoj mjeri konsultovati jedinice lokalne samouprave u postupku donošenja propisa koji ih se direktno tiču. Konsultovanje, u smislu iz prethodnog stava ovog člana, federalne odnosno kantonalne vlasti vrše putem saveza općina i gradova“ (član 56.);**
- 2. Da se hitno dogovori sastanak predstavnika Predsjedništva Skupštine Saveza općina i gradova Federacije BiH i Vlade Federacije BiH;**
- 3. Da Predsjedništvo Skupštine Saveza općina i gradova Federacije BiH ne podrži Prijedlog zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća;**
- 4. Da Savez općina i gradova Federacije BiH ponovo uputi Vladi Federacije BiH već pripremljeni Prednacrt zakona o zaštiti i spašavanju.**

Vesna Travljanin je još naglasila da je u međuvremenu dogovoren sastanak predstavnika Saveza sa premijerom Federacije BiH.

Edin Smajić je istakao da lokalni nivo vlasti zna da viši nivoi vlasti nemaju informacije o tome šta znači zaštita i spašavanje. Naglasio je da na sceni godinama imamo ogromno nerazumjevanje od strane viših nivoa vlasti.

Zikrija Duraković je istakao da se ova naknada uplaćuje po mjestu zaposlenja, a ne po mjestu prebivališta kako bi trebalo.

Predsjedništvo Saveza je primilo k znanju zaključke sa Tematske sjednice kako slijedi:

- 1. Da se pri donošenju Zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća, ali i ostalih zakona poštuje Evropska povelja o lokalnoj samoupravi i Zakon o principima lokalne samouprave u Federaciji BiH po kome su „federalne, odnosno kantonalne vlasti dužne u najvećoj mogućoj mjeri konsultovati jedinice lokalne samouprave u postupku donošenja propisa koji ih se direktno tiču. Konsultovanje, u smislu iz prethodnog stava ovog člana, federalne odnosno kantonalne vlasti vrše putem saveza općina i gradova“ (član 56.);**
- 2. Da se hitno dogovori sastanak predstavnika Predsjedništva Skupštine Saveza općina i gradova Federacije BiH i Vlade Federacije BiH;**
- 3. Da Predsjedništvo Skupštine Saveza općina i gradova Federacije BiH ne podrži Prijedlog zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća;**

4. Da Savez općina i gradova Federacije BiH ponovo uputi Vladi Federacije BiH već pripremljeni Prednacrt zakona o zaštiti i spašavanju.

Predsjedništvo Saveza je usvojilo i sljedeće zaključke:

- **Da se Zakon o zaštiti i spašavanju koji je izradio Savez ponovo pošalje svim jedinicama lokalne samouprave na davanje komentara i primjedbi;**
- **Da komisija koja je radila na izradi Zakona razmotri pristigle komentare;**
- **Da se nakon toga isti uputi Predsjedništvu Saveza na potvrđivanje, te Vladi Federacije BiH na dalje postupanje.**

Zlata Turkić je dodala da bi i druga dva zakona koja je izradio Savez trebalo poslati jedinicama lokalne samouprave na komentare (Zakon o međuopćinskoj saradnji i Zakon o finansiranju jedinica lokalne samouprave) jer će i to, između ostalog, biti tema sastanka sa premijerom.

Samira Drakovac je istakla da u Općini Goražde imaju problem sa finansiranjem vatrogasaca, a da od kantona nemaju ništa. Navela je da se moraju favorizovati profesionalci.

3. a) Posjeta delegacije Saveza premijeru Federacije Bosne i Hercegovine

Zlata Turkić je izvijestila Predsjedništvo da je dogovoren sastanak delegacije Saveza sa premijerom Federacije Bosne i Hercegovine gospodinom Fadilom Novalićem za 22.02.2017. godine. Naglasila je da će sastanku ispred Vlade Federacije BiH prisustvovati Fadil Novalić, premijer Federacije BiH, Amra Đendušić, savjetnica premijera i Ana Papac, savjetnica federalne ministrice finansija. Naglasila je da je potrebno odrediti članove delegacije koja će ispred Saveza prisustvovati ovom sastanku. Dodala je da će se tom prilikom kandidirati još neka pitanja koja su od značaja za jedinice lokalne samouprave.

Edin Smajić je predložio da u delegaciji Saveza budu osobe koje su bile najviše uključene u izradu zakona koji će biti tema sastanka. Istakao je da zaključkom Skupštine Saveza trebamo jasno precizirati šta tražimo – formiranje Ministarstva za lokalnu samoupravu, zatim da moramo biti uključeni u izradu zakona koji se tiču jedinica lokalne samouprave. Konstatovao je da smo mi jedna od rijetkih država u kojoj nije moguće da načelnici/gradonačelnici budu članovi Parlamenta.

Vesna Travljanin je naglasila da je osnovno da tražimo poštivanje odredaba Evropske povelje o lokalnoj samoupravi i Zakona o principima lokalne samouprave u Federaciji BiH.

Edin Smajić je predložio da Nedžad Koldžo bude jedan od članova delegacije Saveza na sastanku sa premijerom Federacije Bosne i Hercegovine. Naglasio je da je potrebno provjeriti da li će premijer prisustvovati sastanku, jer u slučaju da bude spriječen, treba tražiti novi termin sastanka.

Predsjedništvo Saveza je usvojilo zaključak da se do 10.02.2017. godine anketiraju članovi Predsjedništva Saveza o ovom pitanju kako bi se formirala delegacija za sastanak sa premijerom Federacije Bosne i Hercegovine.

4. Zaključci sa sjednice Komisije za ustavna i zakonodavna pitanja i Komisije za razvoj i unapređenje lokalne samouprave

Zlata Turkić je izvijestila Predsjedništvo o zaključcima sa održanih sjednica komisija.

Edin Smajić je iznio mišljenje da ne zna zašto bi određene kategorije uposlenika imale veću plaću u odnosu na druge uposlenike (npr. zaposleni u matičnim uredima, vatrogasci, inspektori).

Zikrija Duraković je istakao da se kroz Zakon o plaćama i naknadama na federalnom nivou trebaju utvrditi iznosi plata i naknada, a da je potrebno ići na izmjene pojedinačnih zakona koji su propisali uvećanje plaća za određene kategorije uposlenika.

Predsjedništvo Saveza je usvojilo zaključke kako slijedi:

- **Ne podržava se Prijedlog zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća jer će isti dovesti do urušavanja sistema zaštite i spašavanja u jedinicama lokalne samouprave;**
- **Savez općina gradova Federacije BiH će ponovo uputi Vladi Federacije BiH pripremljeni Prednacrt Zakona o zaštiti i spašavanju;**
- **Odredba člana 114. Zakona o zaštiti od požara i vatrogastvu je kontradiktorna i u suprotnosti je sa Zakonom o radu;**
- **Dosljednom primjenom člana 40. Zakona o inspekcijama dodatno se opterećuju budžeti svih nivoa vlasti, a posebno jedinica lokalne samouprave;**
- **Uvećanjem plaće za državne službenike i namještenike koji rade u matičnim uredima, regulisano članom 72a. Zakona o izmjenama i dopunama Zakona o matičnim knjigama, vrši se pozitivna diskriminacija ovih u odnosu na ostale državne službenike i namještenike;**
- **Dato uvećanje plaće za 20%-30% za državne službenike koji obavljaju poslove i zadatke radnog mjesta direktora, odnosno glavnog inspektora i inspektora, koje propisuje Zakon o plaćama i naknadama u organima vlasti u Federaciji BiH, vodi do**

stanja pravne i ekonomske neravnopravnosti ovih u odnosu na ostale državne službenike;

- Podržava se Inicijativa Grada Tuzla za osnivanje Zajedničke profesionalne vatrogasne jedinice Tuzlanskog kantona;
- Podržava se Inicijativa Grada Tuzla za donošenje Zakona o postupanju sa neiskorištenim nekretninama nakon trajne i potpune obustave rudarskih radova;
- Tražiti od Vlade FBiH stavljanje u funkciju svih raspoloživih neiskorištenih površina, objekata i putnih pojaseva nastalih nakon eksploatacije njihovih sirovina, te da se u ove aktivnost uključi Savez općina i gradova Federacije BiH;
- Oblast zakonskog reguliranja komunalnih djelatnosti i komunalnih taksi treba ostaviti novoizabranim tijelima i organima Skupštine Saveza općina i gradova Federacije BiH;
- Savez općina i gradova Federacije BiH se treba uključiti u izradu novog Zakona o raspodjeli javnih prihoda u Federaciji BiH.

Predsjedništvo je usvojilo i zaključak da se jedinice lokalne samouprave anketiraju o pitanju da li podržavaju sljedeće inicijative:

- Inicijativa za izmjenu zakona o matičnim knjigama (član 72.a);
- Inicijativa za izmjenu Zakona o zaštiti od požara i vatrogastvu (član 114);
- Inicijativa za izmjenu Zakona o plaćama i naknadama u organima vlasti u Federaciji BiH (član 23. stav 1. tačka 1);
- Inicijativa za izmjenu Zakona o inspekcijama Federacije BiH (član 40).

Ukoliko većina članica Saveza podrži navedene inicijative, Savez općina i gradova Federacije BiH će uputiti inicijative prema Vladi Federacije BiH;

Savez općina i gradova Federacije BiH će takođe, ukoliko većina članica to podrži, Ustavnom sudu Federacije BiH podnijeti zahtjev za zaštitu prava na lokalnu samoupravu u ime svojih članica, a u vezi sa članom 72.a Zakona o matičnim knjigama („Službene novine Federacije BiH“, br.: 37/12 i 80/14), člana 23. stav 1. tačka 1) Zakona o plaćama i naknadama u organima vlasti u Federaciji BiH („Službene novine FBiH“, br.: 45/10 i 111/12), člana 40. Zakona o inspekcijama Federacije BiH („Službene novine FBiH“, br. 73/14) i člana 114. Zakona o zaštiti od požara i vatrogastvu („Službene novine FBiH“, br. 64/09).

5. Zaključci sa sjednice Komisije za izbor i imenovanja

Vesna Travljanin je informisala članove Predsjedništva da je prekoračen rok (15.12.2016. godine) određen zaključkom Predsjedništva Saveza za predlaganje kandidata u organe i tijela Saveza. Naglasila je da je Komisija za izbor i imenovanja održala sjednicu i razmatrajući pristigle prijedloge, odredila naknadni rok za dostavu prijedloga i to do 15.02.2017. godine. Takođe je istakla da bi na sljedećoj sjednici Predsjedništva trebali imati konačne liste prijedloga kandidata za organe i tijela Saveza, te bi na toj sjednici Predsjedništvo trebalo donijeti odluku o sazivanju Izborne skupštine Saveza.

Predsjedništvo Saveza je primilo k znanju ovu informaciju.

6. Informacije o zakonodavnim aktivnostima Saveza:

- a) Nacrt Zakona o šumama**
- b) Nacrt Zakona o turizmu**
- c) Nacrt Zakona o boravišnoj taksi**

Zlata Turkić je navela da su Nacrt Zakona o šumama, Nacrt Zakona o turizmu i Nacrt Zakona o boravišnoj taksi usvojeni od strane Predstavničkog doma i Doma naroda Parlamenta Federacije BiH, te da se o istima trenutno vodi javna rasprava. Naglasila je da Savez treba do 15. marta Federalnom ministarstvu poljoprivrede, vodoprivrede i šumarstva dostaviti komentare i prijedloge na Nacrt Zakona o šumama.

Predsjedništvo Saveza je primilo k znanju ovu informaciju.

- d) Zapisnik sa prve sjednice stručnog Radnog tijela Vlade Federacije Bosne i Hercegovine za analizu Zakona o stvarnim pravima**

Selma Fišek je informisala Predsjedništvo da je Vlada Federacije BiH formirala stručno Radno tijelo za analizu Zakona o stvarnim pravima čiji je osnovni zadatak da izvrši detaljnu analizu Zakona o stvarnim pravima uz sagledavanje problema koji su se pojavili u njegovoj dosadašnjoj primjeni, kao i drugih zakonskih propisa čija je primjena uslovljena Zakonom o stvarnim pravima, te da Vladi Federacije Bosne i Hercegovine dostavi informaciju o tome koji zakoni i podzakonski propisi moraju biti usaglašeni sa Zakonom o stvarnim pravima, te da ocijeni postoji li potreba za donošenjem eventualnih izmjena i dopuna Zakona o stvarnim pravima, a radi harmonizacije propisa iz imovinsko - pravne oblasti.

Predsjedništvo Saveza je primilo k znanju ovu informaciju.

7. Informacija o daljim aktivnostima Saveza vezanim za postupak po tužbi Saveza općina i gradova Federacije BiH protiv Federacije BiH

Vesna Travljanin je informisala Predsjedništvo o dosadašnjim aktivnostima vezanim za tužbu Saveza općina i gradova Federacije BiH protiv Federacije BiH u vezi sa otplatom kredita prema

Međunarodnom monetarnom fondu. Istakla je da je Predsjedništvo Saveza na Četrnaestoj sjednici održanoj 19.10.2016. godine zaključilo da se, zbog značaja postupka, pojača advokatski tim ili pruži ekspertska podrška advokatu Ismetu Veliću u pripremi za nastavak sudskog postupka.

Vesna Travljanin je izvijestila Predsjedništvo da je advokat Ismet Velić, deset dana prije pripremnog ročišta, otkazao punomoć za zastupanje, te da smo iz tog razloga tražili odgodu pripremnog ročišta. Naglasila je da je novi termin pripremnog ročišta u ovom predmetu zakazan za 13.03.2017. godine. Istakla je da je kao direktor Saveza poduzela određene aktivnosti u cilju zaštite interesa organizacije, te u tom smislu obavila konsultacije sa više advokata, a biografije troje advokata su predočene Predsjedništvu, a to su: Nedim Ademović, Mensur Hadžimusić i Danijela Saller-Osenk. Naglasila je da se radi o uglednim pravnicima. Dalje je navela da je Danijela Saller-Osenk odmah preuzela predmet, detaljno ga analizirala i izrazila spremnost da zastupa Savez u ovom postupku.

Predsjedništvo Saveza je dalo saglasnost advokatu Danijeli Saller-Osenk da zastupa Savez općina i gradova Federacije BiH u postupku po tužbi Saveza općina i gradova Federacije BiH protiv Federacije BiH na pripremnom ročištu 13.03.2017. godine, te da se novi saziv Predsjedništva Saveza informiše o ovim aktivnostima, te potvrdi ovo imenovanje.

Predsjedništvo Saveza je usvojilo zaključak da advokat Danijela Saller-Osenk procijeni da li je potrebno angažovati vještaka i drugu stručnu pomoć u ovom postupku.

8. Tekuća pitanja

a) Zaključci sa Vanredne sjednice Općinskog vijeća Jablanica

Vesna Travljanin je istakla da su članovima Predsjedništva podijeljeni Zaključci Općinskog vijeća Općine Jablanica u vezi Prijedloga prostornog plana područja posebnih obilježja od značaja za Federaciju BiH „Autoceste na Koridoru Vc“ koji se odnose na neprihvatanje Amandmana Vlade Federacije BiH na ovaj Prijedlog prostornog plana.

Edin Smajić je naglasio da nije u toku u vezi sa ovim pitanjem, ali da svakako daje podršku Salemu Dediću, načelniku Općine Jablanica.

Predsjedništvo Saveza je podržalo Zaključke Općinskog vijeća Općine Jablanica u vezi Prijedloga prostornog plana područja posebnih obilježja od značaja za Federaciju BiH „Autoceste na Koridoru Vc“.

b) Transparency international Bosna i Hercegovina (TIBiH) - Molba za predstavljanjem rezultata projekta "Jačanje integriteta u lokalnim samoupravama" jedinicama lokalne samouprave tokom Skupštine Saveza općina i gradova Federacije BiH

Amir Kupusija je naveo da se prilikom održavanja svake Skupštine Saveza pozovu partneri koji podržavaju aktivnosti Saveza, uz njihovo određeno učešće u sponzorstvu održavanja Skupštine.

Srećko Mikulić je istakao da su Grude jedna od općina koja je učestvovala u projektu izrade planova integriteta i da je to dobra stvar.

Predsjedništvo Saveza je dalo načelnu podršku da „Transparency international Bosna i Hercegovina“ na narednoj sjednici Skupštine Saveza predstavi rezultate projekta "Jačanje integriteta u lokalnim samoupravama", te da se naknadno utvrde potrebni detalji (trajanje prezentacije i dr).

c) Razvojni program ujedinjenih nacija (UNDP) - Molba za predstavljanjem rezultata Studije o najboljem načinu pozicioniranja regulatornog tijela u postupku utvrđivanja cijena komunalnih usluga vodosnabdijevanja i odvodnje i prečišćavanja otpadnih voda na sljedećoj sjednici Skupštine Saveza općina i gradova Federacije BiH sa ciljem detaljnijeg upoznavanja članica Saveza i prikupljanja komentara na istu

Predsjedništvo Saveza je dalo načelnu podršku da Razvojni program ujedinjenih nacija (UNDP) na sjednici Skupštine Saveza predstavi rezultate Studije o najboljem načinu pozicioniranja regulatornog tijela u postupku utvrđivanja cijena komunalnih usluga vodosnabdijevanja i odvodnje i prečišćavanja otpadnih voda sa ciljem detaljnijeg upoznavanja članica Saveza i prikupljanja komentara na istu.

d) Potpisivanje memoranduma o razumijevanju sa Međunarodnom asocijacijom vodoopskrbnih kompanija (IAWD) i Svjetskom bankom u svrhu realizacije projekta "Platforma za prikupljanje parametara pokazatelja stanja vodovodnih preduzeća"

Amir Kupusija je istakao da bi UNDP htio prezentirati dvije brošure na narednoj sjednici Skupštine Saveza. Naglasio je da im je predloženo da se da mogućnost jedinicama lokalne samouprave da daju svoje komentare na ove brošure.

Predsjedništvo Saveza je usvojilo zaključak da se Potpisivanje memoranduma o razumijevanju sa Međunarodnom asocijacijom vodoopskrbnih kompanija (IAWD) i Svjetskom bankom u svrhu realizacije projekta "Platforma za prikupljanje parametara pokazatelja stanja vodovodnih preduzeća" ostavi novom sazivu Predsjedništva Saveza na izjašnjavanje.

Zikrija Duraković je postavio pitanje u vezi saradnje između Saveza općina i gradova Federacije BiH i Alfa d.o.o.

Stručna služba Saveza se obavezala dostaviti Zikriji Durakoviću zaključak Predsjedništva Saveza o raskidanju Sporazuma o saradnji između Saveza općina i gradova Federacije BiH i Alfa d.o.o.

Nakon konstatacije da su sve tačke dnevnog reda iscrpljene, Edin Smajić je zatvorio Petnaestu sjednicu Predsjedništva Saveza u 14.00 sati.

Zapisnik sačinila:
Selma Fišek, s.r.

Predsjedavajući sjednice Predsjedništva Skupštine Saveza
Edin Smajić, s.r.